

rum actuum, amoris, spei & gaudii, circa Deum reconcilia-
rum, & bona ab ipso impetrata aut impetranda occupatorum.

§. VII. Prima itaque pars prægestus Damnationis uno
verbo est *Subtractio sensus gratiæ Dei*, & illius quidem gratiæ,
quæ consistit in remissione peccatorum gratuita, & accepta-
tione hominis in filium atque hæredem vitæ æternæ. Quam
in rem *B. Job. Arndtius* Conc. 1. in Psal. VI. p. m. 27. recte scri-
bit: Wenn sich Gott von einem Menschen abwendt / sich ihm
entzeucht / ihn nicht seine Gnade / seine Gegenwart / seine Erhal-
tung / seinen Trost empfinden lässet / sondern von demselben ab-
zeucht. Dadurch die Angst der Seelen / das inwendige Herzeleid
und höchste Traurigkeit entstehet. Da man mit der Hölten und
Eodes-Furcht geplagt wird. 2c. Conf. Eund. Conc. III. in
Psal. XVIII. p. 98. 99. ubi memorat, Deum aliquando in ca-
su tentationis permittere, ut gustum quendam mortis æter-
næ percipiamus, nempe *carentes solatio & aspectu Dei, quietis,
pacis & gaudii in Deo.* Atque huc ex dictis Scripturæ alias ac-
commodari solet querela *Jobi*, Cap. XXIII, 8. *En si antrorsum
ivero, non aderit, si vero retrorsum, non animadvertam eum,* (nem-
pe ut iudicem faventem, qui causam meam agere, meque o-
ptata sententia recreare velit: quamvis fatendum sit, *Jobum* l.
c. non tam ut suorum peccatorum sibi conscium adeoque an-
xium, quam ut indignatione ob acerbissimas calamitates, quas
in se patiatur, ac nihilominus ab amicis, quasi hæ pœnæ sint
malefactorum, accusetur, conqueri de sui a Deo desertione.
Et *Davidis*, *Psal. LXXVII, 8.* *Nunquid in secula repellet (me) Do-
minus? nec addet, ut bene velit adhuc? Nunquid defecit verbum in-
generationem & generationem? Nunquid oblitus est misereri Deus?
num conclusit in ira misericordias suas?* Imprimis vero in
Quintina sunt verba *Psal. XXII.* quæ Christus crucifixus sua fecit: *Deus
mi, Deus mi, ut quid me deseruisti!* quibus l. c. adduntur hæc:
*Elongatus es a Salute mea, & a verbis rugitus mei, Deus mi: clamo
per diem, & non exaudis; & nocte, & non est silentium mihi:* quæ
verba sic *παραφραση* *Henricus Mollerus* Præfat. in *Psal. XXII.*
Prorsus non ostendis (o Deus) quod me ames, quod me velis juvare
§ II-